

կի մէջ չէր երեւում: Ոտքի կանգնած, ձայնը գլխին, խօսում էր գրեթէ պոռալով, բռունցքը զարնում էր սեղանին, գրքերս վայր նետում, անդադար ծխում:

Լամպը տնքում էր, ճիգ էր անում եւ գրեթէ ոչ մի լոյս չէր տալիս:

— Այստեղ օգը ճնշիչ է, ասացի, աւելի լաւ կը լինի դուրս գնանք:

— Դ՞ո՞ւրա, — մտահոգ պատասխանեց պարոնը, — այս ժամին դ՞ուրս... խոհեմութի՞նն է...

- Ի՞նչ կայ որ:
  - Երեխայ ժամանակ, շախտէյ-վախտէյի օրերին, գիշերը դուրս չէի գնում. գիտէի, ամբոխի մոլեռանդութիւնը եւայլն:
  - Դատարի բաներ են...
  - Դէ լաւ, ինչպէս որ ուզում էք...
- Ու դուրս եկանք:

Թարխանեան փողոցը բոլորովին մութ էր: Առաջին քայլիս ոտքս մխրճուեց ցետի մէջ ու նոյն վայրկեանին պաղ հովը սրընթալով իջաւ եւ գլխարկա վայր նետեց: Հազիւ կարողացայ ոտքս ազատել եւ գլխարկս գտնել: Նայեցայ՝ մարդը անհետացել էր: Չայն տուի՝ ոչ ոք չպատասխանեց:

Փողոցի անկիւնում առհասարակ մի ոտիկան էր կանգնում: Այսօր նա էլ չկար:

Փորձեցի քայլել: Հե՛շտ է ասել քայլել... Դէ, եթէ փողոցներում լոյս չկայ, այդ մասամբ հասկանալի է, բայց տունն՝ ըր... Բոլոր պատուհաններից խաւար է նայում: Ոչ մի անցորդ կայ: Ծուքերը կպել են պատերին, փէշերը տուել ցրտին, սառել:

Վերադարձայ տուն:

2.

Այն գիշերը երբ աշխարհ եկաւ Վլադեմիր Իլիչ Ուլիանովը (Լենինը), Վօլգայի ափին նստել էր Թիմուրի ստուերը եւ իր աղեղը լաւրել էր աստղերի դէմ:

Միւս օրը, կնուներ աւազանում, միւռոնի արարողութեան ժամանակ, քահանան իր մատերի վրայ թանձրացած արիւն տեսաւ եւ խաչը իր ձեռքի մէջ երերաց:

Ամիսներ յետոյ, մօր ստինքների վրայ

կապոյտ վէրքեր գոյացան, կաթը թթուեց, եւ իրական լորձուք փսխեց:

Ուխտագնաց պառաւ կանայք վհուկի քայլով ներս մտան, օրօրոցի վրայ խաչ արին, ու նշան արին դէպի արեւելք ու նշան արին դէպի արեւմուտք: Սակայն, երբ երեխան իր ճեղքուած կոպերի միջից բիբերի կանանչ փայլը շարժեց՝ կանայք ահաբեկ դուրս նետուեցին եւ լալազին երգերով Կիեվի հեռաւոր ճանապարհը բռնեցին:

Կէս գիշերին, երբ Սիմբիրսկը, մինչեւ ծունկ ձիւների մէջ թաղուած, մարում էր իր վերջին ճրագը, Վօլգան խուլօրէն դղրում էր: Ծառաչում էր Վօլգան, ստեպների ճերմակ լուսիւնը քշելով, փչում էր տարածութիւնը եւ կոհակ կոհակ դուրս էր նետում իր փոթորիկը, մենակեաց դայերի ոռնոցին բախելով:

Ութ տարեկան հասակին, Իլիչի ձեռքից դպրոցական գիրքը վայր ընկաւ, եւ նա լսեց ոռուսական լայնատարած դաշտերում առաջացող Պուզաշովի երկաթէ քայլերը: Դօդօշի նրման կուտակուած, խոռուած նաւակի պէս անշարժ, նա երկարօրէն ականջ դրաւ եւ իր մոնղոլական աչքերը յառեց դէպի հեռուն:

Ուրիշ մի օր, տաժանակիր բանտերի մօտից անցնելու ժամանակ, նրա աչքերը մառախուղով լեցուեցին, ու մարմնի վրայ դող անցաւ: Բարձր պատերի ետեւ տրտում մի ըմբոստութիւն խարոյկ էր վառել, եւ երգը հնչում էր տխուր: Իլիչը կատաղօրէն խածեց ձեռքում բռնած իր կարտուզը, շրթունքներից կաթող արիւնը մաքրեց եւ հարբած քայլերով տուն վերադարձաւ:

Մայրը մտահոգ դեիտում էր գաւկի աչքերում լուռօրէն շարժուող անյայտին, եւ գիշերը տառապագին խօսում էր Աստուծոյ հետ: Հայրը ման էր գալիս սենեակէ սենեակ ու լըրտեսում էր պատերի տակ սողացող ողիներին. իսկ Իլիչը, գրքերի մէջ թաղուած, մեքենաբար սերտում էր իր դասերը:

Ծննդեան տօնին, մինչ զանգակները, գիտով երիտասարդների նման, գոյնզգոյն կօշիկներ հագած, պարում էին երկնքի մէջ, Իլիչը, գետի ափին կուչ եկած, վառվուռն իր նայուածքը մխրճում էր ձիւնի ոլորապտոյտ փո-